

摘藻堂四庫全書薈要

史部

欽定四庫全書薈要

史部

御批通鑑綱目卷四十二上

詳校官編修臣汪鏞

欽定四庫全書薈要卷七千三百五十八 史部

御批資治通鑑綱目卷四十二上

起丁酉唐中宗嗣聖十四年 凡十七年
盡癸丑唐玄宗開元元年

十四年 周武氏神功元年 春正月帝在房州質實 房州注見漢獻帝建

年房陵 ○三月周總管王孝傑與契丹戰敗死武攸

宜不敢進質實 契丹東胡種名注見晉安帝義熙二年 ○周立突厥默啜

為可汗

突厥默啜請為其女求婚太后遣閭知微田歸道冊拜默啜為遷善可汗知微見默啜舞蹈歸道長揖不

拜默啜因歸道將殺之歸道辭色不撓乃捨之但留
不遣初唐處突厥降者於豐勝靈夏朔代六州至是
默啜求之及單于都護府之地并穀種繒帛農器鐵
姚璿楊再思請給之鳳閣侍郎李嶠曰此所謂借寇
兵資盜糧也不如治兵以備之璿等固請乃悉驅六
州降戶數千帳并給穀種四萬斛雜絲五萬段農器
三千事鐵數萬斤并許其婚默啜由是益彊歸道得
還與知微爭論於太后前歸道以為默啜必負約知
微以為和質實突厥北狄國名注見梁武帝大同十
親必可保質實一年可汗夷狄君長號注見漢後主
景耀四年豐勝靈夏朔代六州豐注見漢宣帝甘露
二年五原勝注見隋文帝開皇十九年靈注見太宗
貞觀二十年夏注見漢武帝元朔元年朔方朔注見
漢高帝六年馬邑代注見秦王政三年鴈門李嶠贊
皇人楊再思鄭州人單于外
蕃君長號注見秦王政三年

夏四月周鑄九鼎成

九鼎成置通天宮豫州鼎高丈八尺受千八百石餘
州高丈四尺受千二百石各圖山川物產於其上共
用銅五十六萬七百餘斤令宰相諸王
帥宿衛兵十餘萬人自玄武門曳入
質實九鼎注見周慎
覲王五年豫州注見
漢光武建武十九年

書法

三年書鑄大儀矣八年書鑄天樞矣於是復
書鑄九鼎焉終綱目書鑄六詳新莽天鳳四

年而后居其三
亦泰甚矣哉

周以王及善為內史

王及善已致仕會契丹作亂起為滑州刺史太后召
見問以朝廷得失及善陳治亂之要十餘事太后曰

外州未事此為根本

質實

王及善邯鄲人滑州注
見隋恭帝皇泰二年

周遣武懿宗婁師德擊契丹○六月周殺其右司郎中

喬知之

知之有美妾曰碧玉武承嗣奪之知之作綠珠怨詩
以寄之碧玉赴井死承嗣得詩於裙帶大怒諷酷吏
羅告族**集覽**綠珠晉石崇有妓妾名綠珠孫秀求之
誅之弗得乃勸趙王倫誅崇綠珠遂自投於

樓下死之**質實**羅告注見
嗣聖九年

發明

喬知之族誅而綱目止以殺書者何哉知之
溺一愛妾遂至淪陷其族故綱目未減偽周

之罪蓋恕周所以
惡喬也其旨微矣

周來俊臣伏誅

來俊臣倚勢貪淫士民妻妾有美者百方取之前後羅織誅人不可勝計自言才比石勒監察御史李昭德素惡之俊臣遂誣昭德謀反下獄又欲羅告諸武及太平公主與皇嗣廬陵王南北牙同反諸武及太平公主共發其罪繫獄有司處以極刑奏上三日不出王及善曰俊臣國之元惡不去之必動搖朝廷吉頊曰俊臣聚結不逞誣構良善贓賄如山冤魂塞路國之賊也何足惜哉太后乃下其奏昭德俊臣同棄市時人無不痛昭德而快俊臣仇家爭斂其肉士民相賀曰自今眠者背始帖席矣俊臣方用事選司受其屬請不次除官者每銓數百人俊臣敗侍郎皆自首太后責之對曰臣亂國家法罪止一身違俊臣語立見滅族太

集覽

南北牙唐分宰相為南司故稱南牙宦寺為北司故稱北牙

質

實

石勒武鄉人有豪志因晉亂起兵割據都襄國自稱趙王不逞注見梁武帝太清三年棄市注見秦

始皇三十四年

書法

武氏殺人多矣自永徽書房遺愛以後四十

始書來俊臣後書閻知微俊臣誣陷善人知微受祿山官皆大罪人也故特書誅

發明

武氏殺人多矣獨俊臣死得其罪故以伏誅書之雖然是時監察御史李昭德與俊臣同

死綱目何以畧而不書曰武氏亂唐大夫士稍知愛重者必有以自處其身奚至駢首受戮故綱目於武氏殺戮之事或書或不書其書之者所以著武氏之惡其不書者所以示不滿時人之意此固書法之深旨君子所當加察者也

契丹軍潰斬孫萬榮以降

武懿宗軍至趙州聞契丹將至冀州懼而南遁契丹遂屠趙州孫萬榮於柳城西北依險築城畱其老弱婦女引精兵寇幽州突厥默啜襲其新城三日克之盡俘以歸時萬榮方與唐兵相持軍遂大潰奴斬其首以降餘衆質實趙州注見秦二世二年信都柳城注見降於突厥漢獻帝建安十三年幽州注見高祖武德四年

周以武承嗣武三思同三品○周遣武懿宗等安撫河北

武攸宜自幽州凱旋制以契丹初平命武懿宗婁師德狄仁傑分道安撫河北懿宗所至殘酷奏請族誅

河北百姓從賊者左拾遺王求禮廷折之曰此屬素無武備力不勝賊苟以求生而已豈有叛國之心懿宗擁彊兵數十萬望風退走賊徒滋蔓又欲移罪於草野註誤之人為臣不忠請先斬懿宗以謝河北懿宗不能對司刑卿杜景儉亦曰質實王求禮許州人此皆脇從請悉原之太后從之

帝建昭二年

秋九月周以魏元忠為肅政中丞

太后謂侍臣曰頃者周興來俊臣按獄多連引朝臣云其謀反朕使近臣就獄引問皆自承服朕不復疑今自興俊臣死不復聞有反者然則前死者不有冤邪夏官侍郎姚元崇對曰比來坐謀反死者率皆興等羅織陛下使近臣問之近臣亦不自保何敢動搖今賴天啟聖心興等伏誅臣以百口為陛下保自今

內外之臣無復反者矣時人多為魏質實羅織注見
元忠訟寃太后復召為肅政中丞景龍元年

陛下注見漢光武
建武二十七年

冬閏十月以狄仁傑同平章事

仁傑上疏曰天生四夷皆在先王封畧之外故東拒
滄海西阻流沙北橫大漠南阻五嶺此天所以限夷
狄而隔中外也今三代聲教之所不及者國家盡無
之矣若復邀功絕域不務安人此秦皇漢武之所行
非五帝三王之事業也近者頻歲出師西戍四鎮東
戍安東調發日加百姓虛弊今關東饑饉蜀漢逃亡
人不復業相率為盜本根一搖憂患不淺昨貞觀中
克平九姓復立思摩使統諸部得推亡固存之義無
遠戍勞人之役此近日之令典經邊之故事也竊謂
宜立斛瑟羅委之四鎮繼高氏絕國使守安東省軍

費於遠方并甲兵於塞上使敵人無侵侮之患則可矣何必窮其部落與蕃人校長短哉但當敕邊兵謹守備遠斥候聚資糧待其自致然後擊之以逸待勞則戰士力倍以主禦客則我得其便堅壁清野則寇無所得如此數年可使邊外不擊而服矣時蜀州每歲遣兵戍姚州路險而遠死亡者多蜀州刺史張東之上言姚州荒外自以為州未嘗得其鹽布之稅甲兵之用而空竭府庫驅率平人受役蠻夷肝腦塗地臣竊為國家惜之請并瀘南諸鎮一切廢省置關瀘北非奉使者無得交通往來疏奏不納

集覽

斛瑟羅名也姓阿史那氏嗣聖質實滄海即東海神三年太后以為繼往絕可汗僊傳麻姑為王

方平言自接待以來見滄海三為桑田又注見漢光武建武七年流沙河名注見漢元帝初元三年五嶺注見秦始皇三十三年四鎮注見德宗建中二年安東鎮名注見漢武帝元封二年朝鮮饑饉注見隋煬

帝大業十二年推亡固存注見漢宣帝黃龍元年高氏絕國高氏謂高璉之後注見漢武帝元封二年朝鮮張東之襄陽人斥候注見漢武帝元封元年蜀州注見宋文帝元嘉九年崇慶一統志云姚州本滇國地漢初為弄棟縣屬益州郡東漢改為犍棟縣屬蜀漢屬雲南郡唐麟德初置姚州都督府以其民多姓姚故名天寶中南詔蒙氏改為弄棟府宋時段氏改為姚州元立統矢千戶所至元中復改置姚州屬大理路天歷間陞為姚安路本朝初改路為府後又改姚安軍民府隸雲南道瀘北瀘水之北注見漢後主建興五年瀘南注亦同上

書法

仁傑進用例書周以恒辭也此其不書周何仁傑心乎唐者也自仁傑相而中宗始有詣

行宮之召綱目於其始相特不書周所以表其為唐也故終太后之世惟狄仁傑同平章事不書周

惟張柬之同平章事不書周皆心乎唐者也他日
帝既在東都周之復為唐已決則書周以狄仁傑
無納言
無嫌矣

周以李嶠知天官選事

始置員外
官數千人

戊戌十五年
周武氏聖
春三月帝還東都

武承嗣三思營求為太子狄仁傑從容言於太后曰
太宗櫛風沐雨親冒鋒鏑以定天下傳之子孫大帝
以二子託陛下陛下今乃欲移之他族無乃非天意
乎且姑姪之與母子孰親陛下立子則千秋萬歲後
配食太廟立姪則未聞姪為天子而祔姑於廟者也
太后曰此朕家事卿勿預知仁傑曰王者以四海為

家四海之內何者不為陛下家事況元首股肱義同一體臣備位宰相豈得有所不預知乎因勸太后召還廬陵王太后意稍寤他日又謂仁傑曰朕夢大鸚鵡兩翼皆折何也對曰武者陛下之姓兩翼二子也陛下起二子則兩翼振矣太后由是無立承嗣三思之意吉項與張易之昌宗為控鶴監供奉項從容說二人曰公兄弟貴寵天下側目不有大功何以自全二人懼問計項曰天下未忘唐德主上春秋高公何不勸立廬陵王以慰人望如此豈徒免禍亦可以長保富貴矣二人以為然承間屢為太后言之太后乃託言廬陵王有疾遣使召之及其妃子皆詣行在承嗣怏怏遂發病死胡氏曰歸廬陵王狄仁傑雖首言之太后未許也及項為二張謀后意乃定然則項功為多而當時及後世稱復唐之功者特歸仁傑而不歸之項何也人臣建策効計當原其心誠為國邪策雖不就君子子之心不在國假善以濟其私功雖幸

成君子不與也狄公精忠惟復唐室是念其請歸廬陵王太后雖未之許然心已開悟矣吉頊之計太后雖即行之然其心乃本教二張以長保富貴之術耳又况狄公之請已在前乎

集覽

控鶴監供奉官

名也唐百官志控鶴府有監有丞及主簿錄事等監三品嗣聖十七年改為奉宸府

質實

櫛風沐雨

注見周世宗顯德五年從容注見漢宣帝地節三年鸚鵡鳥名注見太宗貞觀五年行在注見晉惠帝永

興元年快快注見漢光武建武二年

書法

前書纂神都外城矣此其復稱東都何正名也神都武氏所改既書周則雖書神都可也

今帝既還反正有日黜偽號而復舊名所以正始也一字之謹嚴如此哉

發明

綱目之於褒貶有坦然明白者有微詞與義寓於其中者武氏未改國號以前凡用人皆

書太后自改號後皆書周然去年狄仁傑同平章
事獨不書周何也蓋廬陵之歸自仁傑為相之後
從容進說切而不迫卒能感悟武氏遂有復還唐
社稷之意故綱目於此先書以仁傑平章事不繫
之周則明其本志為唐非武氏得而臣之繼書帝
還東都序於其下則見復唐之績原於仁傑為相
之後此其微詞與義寓於其中要在後人深求而
得之者也不然仁傑他時進用皆書曰周何獨於
此而不書周哉

秋八月突厥默啜寇媯檀等州

初太后命武承嗣之子淮陽王延秀入突厥納默啜
女為妻復遣閭知微齎金帛巨億以送之鳳閣舍人
張柬之諫曰自古未有中國親王娶外蕃女者由是
忤旨出刺合州延秀至突厥默啜謂曰我欲以女嫁

李氏安用武氏兒邪我突厥世受李氏恩聞李氏盡滅唯兩兒在我今將兵輔立之乃拘延秀以知微為南面可汗言欲使之主唐民也發兵寇媯檀等州移書數朝廷曰與我蒸穀種器行濫帛疎惡且我可汗女當嫁天子兒武氏小姓門戶不敵罔冒為婚我為此起兵欲取河北耳河北諸州聞之爭發民修城衛州刺史敬暉曰吾聞金湯非粟不守柰何集覽器行捨收穫而事城郭乎罷使歸田百姓大悅

物不牢而濫惡也先曾給與農器三千事今故云質唐韓琬傳器不行窳音義曰不牢曰行苦惡曰窳

實淮陽縣名注見梁武帝太清元年真陽合州注見漢光武建武十一年墊江媯檀等州媯注見晉懷

帝永嘉五年廣寧檀本秦漢時漁陽郡地後魏置密雲郡領白檀要陽密雲三縣兼置安州北齊廢郡以二縣併入密雲縣後周改安州曰玄州隋初置檀州後改為安樂郡唐初復置檀州遼為武威軍宋號橫

山郡金復改檀州元仍舊本朝初改為密雲縣屬
順天府衛州注見秦莊襄王三年汲敬暉絳州平陽
人可汗外蕃君長號注見漢後主景耀四
年金湯非粟不守注見太宗貞觀十七年

周以狄仁傑無納言

太后命宰相各舉尚書郎一人仁傑舉其子光嗣拜
地官員外郎已而稱職太后喜曰卿足繼初奚矣通
事舍人元行冲博學多通仁傑重之行冲數規諫仁
傑且曰凡為家者必有儲蓄脯醢以適口參朮以攻
疾僕竊計明公之門珍味多矣行冲請備藥物集覽
之末仁傑笑曰吾藥籠中物何可一日無也
足繼初奚左傳襄三年晉中軍尉初奚請老晉侯問
嗣焉初奚舉其子初午以自代君子謂初奚於是能
舉善矣立其子不為比今狄仁傑舉其子光嗣而稱
職足可繼初奚不比之美矣參朮本草人參味甘微

寒微溫丹參沙參皆味苦微寒苦參味苦寒玄參味苦鹹微寒爾雅木山薊注木一名山薊今木似薊而生山中白朮味苦甘質實一統志云祁奚晉人悼公時甘溫蒼朮味苦甘質實為中軍尉請老公問代之者稱解狐其讐也狐卒又問對曰臣之子午也可羊舌職死公問孰可代之者對曰赤也可於是使祁午為中軍尉羊舌赤佐之君子謂奚稱其讐不為謫立其子不為比舉其偏不為黨平公立起奚為公族大夫納言官名注見漢靈帝光和元年

周以武攸寧同三品○九月突厥陷趙州周刺史高叡死之

默啜圍趙州長史唐般若翻城應之刺史高叡與妻秦氏仰藥詐死與中詣默啜默啜以金獅子帶紫袍

示之曰降則拜官不降則死敵顧其妻妻曰酬報國
思正在今日遂俱閉目不言再宿敵乃殺之及退唐
般若族誅贈敵冬集覽唐般若唐姓也名質實翻城
官尚書謚曰節般若般若音撥咭猶言
踰城也高敵
京兆萬年人

書法

許欽明不書周不以周之臣累之也高敵以死節書其過欽明多矣書曰周刺史何帝在

東都則周之為唐決矣雖書周無嫌也

周武氏以帝為皇太子河北道元帥狄仁傑副之以討

默啜

皇嗣固請遜位於廬陵王太后許之立為太子復名
顯賜姓武氏命太子為河北道元帥以討突厥先是

募人月餘不滿千人及聞太子為帥應者雲集未幾數盈五萬時太子不行命仁傑知元帥事王及善請太子赴外朝以慰人心從之突厥盡殺所掠趙定男女萬餘人而去仁傑將兵追之不及默啜還漠北擁兵四十萬據地萬里西北諸蕃皆附之有輕中國之心

質實

趙定二州名趙注見漢景帝三年趙

國定注見周威烈王二十三年中山

書法

皇太子書立恒也未有書以者書以為皇太子何帝矣而為太子非所以也故不從恒辭

周以蘇味道同平章事

味道在相位依阿取容嘗謂人曰處事不宜集覽模明白但摸稜持兩端可矣時人謂之蘇模稜曰味道為相或問其變和之道無答但以手摸床稜

冬十月周以武懿宗武攸歸領屯兵。周以狄仁傑為河北道安撫大使。

時河北人為突厥所驅逼者，兵退懼誅，往往亡匿。仁傑上疏曰：「邊塵暫起，不足為憂。中土不安，此為大事。諸為突厥契丹脇從之人，皆是計逼情危，且圖賒死。今且潛竄山澤，露宿草行，罪之則衆情恐懼，恕之則反側自安。伏願曲赦河北諸州，一無所問，制從之。仁傑於是撫慰百姓，得突厥所驅掠者悉還。本貫散糧，運以賑貧乏，修郵驛以濟旋師。自食疏糲，禁其下不得侵擾百姓。犯者必斬。河北遂安。胡氏曰：陳子昂諫說武氏其論亦美，而或者譏其失言，謂武氏不可與言而言也。狄公不幾與子昂比乎？曰：人之語默，行止有事，同而情異者，此屬是也。武氏已老，太子既在東宮，天下必復歸唐。狄公所為懇懇，恐百姓虛弊根。」

本搖動為質實東宮注見宋文帝
唐計耳元嘉二十七年

周以姚元崇同平章事○周閻知微伏誅以田歸道為

夏官侍郎

默啜縱知微使還太后命礫於天津橋南使百官集
共射之夷其三族擢歸道為夏官侍郎甚見親委

覽礫陟陌反裂也裂其支體而殺之史記礫作砒
正義音貯格反索隱曰砒與礫同古今字異耳質

實天津橋注見隋煬
帝大業十三年

十一月周以豫王旦為相王質實相州名注見漢元
帝建昭二年魏郡

書法旦嘗為皇嗣矣於是廢之則不書廢何不予
武氏之立之也故旦終始書豫王自皇帝廢

為皇嗣書以自皇嗣
廢為相王亦書以

○周置控鶴監

控鶴監率皆嬖寵之人頗用才能文學之士田歸道
李迥秀薛稷員半千以參之半千以古無此官請罷
之遂忤集覽員半千員王問質實李迥秀涇陽人大
旨左遷反姓也名半千質實亮族孫薛稷汾陰
人道衡曾孫員半千齊州全節
人左遷注見漢宣帝元康二年

十二月周以魏元忠同平章事○周貶宗楚客為播州

司馬質實

播州注見漢武帝
元光五年牂牁

己十六年

周武氏聖
歷二年

春正月帝在東宮○二月周遣使

禱少室山

朝隱自為犧牲沐浴伏俎上請代太后命此小人獻媚之極致亦不足道第武后遂喜而厚賞之則宗長諂諛甚為失體

太后不豫遣給事中閻朝隱禱少室山朝隱自集覽為犧牲沐浴伏俎上請代太后命太后厚賞之犧牲祭天地宗廟之牲曰犧卜得吉曰牲記曲禮天子以犧牛注犧純毛也左傳僖三十一年牛卜曰牲注既得吉日質實不豫猶言不安也少室山則牛改名曰牲質實注見嗣聖十二年嵩山

吐蕃贊婆弓仁降周

初吐蕃贊婆器弩悉弄尚幼論欽陵兄弟用事皆有勇畧諸蕃畏之欽陵居中秉政諸弟握兵分據方面贊婆常居東邊為中國患者三十餘年器弩悉弄浸長陰與大臣論農謀誅之會欽陵出外贊婆殺其親黨二千餘人欽陵自殺贊婆帥所部千集覽贊婆欽餘人欽陵子弓仁以所統七千帳來降陵長弟

名論巖巖名也論質實吐蕃西羌屬名注見太宗貞觀八年

書法

突厥默啜遣使請降不書周不為周降也此其書降周何帝在東宮則周之為唐也決矣

雖書降周
無嫌也

帝及武攸暨等誓于明堂

太后自以春秋高慮身後太子與諸武不相容命太子相王太平公主與武攸暨等誓於明堂銘之鐵券

集覽

太子相王太子謂中宗也相王即豫王旦鐵券漢書高祖與功臣剖符作誓丹書鐵券注謂以

鐵鑄之朱書字也國之所以示信後唐明宗問趙鳳曰帝王賜人鐵券何也對曰與之立誓令其子孫長

享爵祿耳質實明堂注見漢武帝建元元年

秋八月周以王及善為文昌左相

內史王及善雖無學術然清正難奪有大臣之節張易之兄弟每侍內宴無復人臣之禮及善屢以為言太后不悅謂及善曰卿高年不宜更侍遊宴及善遂乞骸骨太后不許以為左相罷政事

周納言婁師德卒考證

亂當分註謚曰貞○謹按武氏之

引薦忠賢卒成匡復之功者惟狄仁傑一人耳然而薦仁傑者婁師德也况師德寬厚清慎盛德長者卒謚曰貞非虛美之稱故當註其謚云

師德在河隴前後四十餘年恭勤不怠民夷安之性沉厚寬恕狄仁傑之入相也師德實薦之而仁傑不知意頗輕之太后嘗問仁傑曰師德賢乎對曰為將能謹守邊陲賢則臣不知又曰師德知人乎對曰臣

嘗同僚未聞其知人也太后曰朕之知卿乃師德所薦也亦可謂知人矣仁傑既出嘆曰婁公盛德我為其所包容久矣吾不得窺其際也是時羅織紛紜師德久為將相獨能以功名終人是以是重之質實

河隴謂河西隴右注見漢靈帝中平三年

周以武三思為內史○河溢

漂千餘家

周以韋嗣立為鳳閣舍人

太后稱制以來學校殆廢酷吏所陷親友流離未獲原宥嗣立上疏曰時俗浸輕儒學先王之道弛廢不講宜令王公以下子弟皆入國學不聽以他岐仕進又酷吏乘間殺人求進至如仁傑元忠枉遭按鞠亦

皆自誣非陛下明察則已為菹醢矣今陛下升而用之皆為良輔臣恐曩之負冤得罪者亦皆如是伏望一皆昭洗死者追復官爵生者聽還鄉里如此則天下皆知昔之枉濫非陛下之意幽冥歡欣和氣感通矣不從嗣立承慶之異母弟也母王氏遇承慶甚酷每杖承慶嗣立必解衣請代母不許輒私自杖母為稍寬承慶為鳳閣舍人以疾去職集覽菹醢魚鮓立時為菜蕪令太后召使代之反字本作菹鮓菜也醢肉醬也前漢刑法志菹其骨肉於市注菹謂醢也戰國策不避菹醢之誅注高誘曰言剉斫之如此耳菜蕪質實韋嗣立陽武人思謙之子一統志縣名屬泰山云菜蕪漢之縣名屬泰山郡本春秋時夾谷地魏移治羸縣隋屬魯郡唐屬淄州尋省入博城縣後復置屬兗州宋初因之後又增置菜蕪監金廢監以縣屬泰安州元仍舊本朝因之改屬濟南府

突厥默啜以其子匭俱為小可汗

默啜立其弟吐悉匭為左廂察骨篤祿子默矩為右廂察各主兵二萬餘人其子匭俱為小可汗位在兩
察上主處朱昆等十姓兵四
萬餘人又號為拓西可汗

冬十一月周貶吉頊為安固尉

太后以頊有幹畧以為同平章事委以腹心頊與武
懿宗爭趙州之功於太后前頊魁岸辯口懿宗短小
偃僂頊視懿宗聲氣凌厲太后由是不悅曰頊在朕
前猶卑諸武況異時詎可倚邪他日頊奏事方援引
古今太后怒曰卿所言朕既聞之無多言昔太宗有
馬肥逸無能馭者朕為宮女進言曰妾能制之然須
三物一鐵鞭二鐵撻三七首鞭之不服則撻其首撻
之不服則斷其喉太宗壯朕之志今日卿豈足汗朕

七首邪項皇恐謝諸武因共發其弟冒官事由是坐
貶辭日得召見涕泣言曰臣永辭闕庭願陳一言太
后問之項曰合水土為泥有爭乎太后曰無之又曰
分半為佛半為天尊有爭乎曰有爭矣項頓首曰宗
室外戚各當其分則天下安今太子已立而外戚猶
為王此陛下驅之使他日必爭兩不得安矣太后曰
朕亦不知之然業已集覽魁岸雄傑貌前漢江充為人
如是不知如何魁岸注魁大也岸者有廡稜
如崖岸之形偃僂偃於武反背曲也僂力短反𠂔也
廣韻注偃僂不伸也莊子一命而偃再命而僂林希
逸口義云偃背實實一統志云安固晉之縣名屬臨
曲也僂腰曲也海郡太康初析置始陽縣尋改
曰橫陽隋省之唐復置安固縣乾元中改為平陽縣
宋因之元陞為州本朝初復改為縣屬温州府爭
趙州之功事在嗣聖十四年然業
已如是業已注見漢王邦元年

十二月周同平章事陸元方罷

太后問元方以外事對曰臣備位宰相有大事不敢不以聞人間細事不足煩聖聽忤旨遂罷元方為人清謹再為宰相太后每有遷除多訪之元方密封以進臨終悉焚其藁曰吾於人多陰德子孫其未哀乎

質實

陸元方蘇州吳縣人餘慶從子

周以狄仁傑為內史

太后幸三陽宮有西僧邀車駕觀募舍利太后許之仁傑跪於馬前曰佛者外國之神不足以屈天下之主彼西僧詭譎直欲招置萬乘以惑遠近之

質實

一統

志云三陽宮在河南府登封縣唐聖歷中所建舍利釋氏要錄阿育王造釋迦真身舍利塔注釋迦佛既

化弟子阿難等焚其身有骨子如五色珠光瑩堅固
名曰舍利子阿育王造塔以藏之萬乘注見秦始皇

二十
六年

庚子十七年

周武氏久
視元年

春正月帝在東宮○夏五月朔日

食○六月周以張易之為奉宸令

太后改控鶴監為奉宸府以易之為令每內殿曲宴
輒引諸武易之昌宗飲博朝譴又命易之昌宗與李
嶠等修三教珠英於內殿以掩其迹武三思奏昌宗
乃王子晉後身太后使衣羽衣吹笙垂木鶴於庭中
文士皆賦詩以美之太后又多選美少年為奉宸內
供奉右補闕朱敬則諫曰陛下內寵易之昌宗足矣
而侯祥等明自媒銜求入供奉醜慢無耻臣職諫諍
不敢不奏太后勞之易之昌宗競以豪侈相勝弟昌

儀為洛陽令請屬無不從嘗早朝有選人姓薛以金
五千兩并狀賂之昌儀受金以狀授天官侍郎張錫
數日錫失其狀以問昌儀昌儀曰我亦不記但姓薛
者即與之錫懼退索在銓姓薛者六十餘人悉留注
官集覽三教珠英書籍名王子晉注見晉穆帝升平
三年周太子晉媒銜說文媒謀也謀合二姓
銜自矜也銜音縣廣質實朱敬則亳州人洛陽縣
韻注自銜鬻自媒也名注見周顯王三年

周遣將軍李楷固等擊契丹餘黨平之

契丹將李楷固善用縑索及騎射舞槊每陷陳如鶻
入烏羣所向披靡駱務整者亦為契丹將屢敗唐兵
及孫萬榮死二人來降有司請族之狄仁傑曰二人
驍勇絕倫能盡力於所事必能盡力於我若撫之以
德皆為我用矣奏請赦之皆以為將軍使將兵擊契
丹餘黨悉平之獻俘含樞殿太后召公卿合宴舉觴

屬仁傑曰公之功也將賞之對曰此乃陛下威靈將帥盡力臣何功之有固辭不受

集覽

躡索注見

嗣聖十三年飛索以絹質實獻俘注見梁武帝大通元年俘馘

周隴右大使唐休璟破吐蕃於洪源

吐蕃將麴莽布支寇涼州圍昌松唐休璟與戰於洪源休璟謂諸將曰諸論既死麴莽布支新為將不習

軍事請為諸君破之乃披甲**集覽**諸論王崇曰吐蕃先陷陳六戰皆捷吐蕃大奔之俗不言姓其王

族皆曰論官質實隴右注見秦王政三年隴西涼州注見景龍二年

周造大像

太后欲造大像使天下僧尼日出一錢以助其功狄仁傑上疏諫曰今之伽藍制過宮闕功不使鬼止在

後人物不天來終須地出不損百姓將何以求且梁
武簡文捨施無限及三淮沸浪五嶺騰烟列刹盈衢
無救危亡之禍緇衣蔽路豈有勤王之師比來水旱
不節邊境未寧若費官財又盡人力一隅有難將何
以救之哉太后曰公教朕集覽僧伽藍伽求迦反梵語
為善何得相違遂罷其後羅摩猶中華言衆國園者生植之所佛弟子居之取
生植道本聖果之義或云毘阿羅此云遊止處也釋
氏要覽刹音與察同梵語刹中華言竿即幡柱也增
韻注僧寺也緇衣緇帛黑也浮屠所服袈裟壞色衣

也質實

勤王注見漢獻
帝建安元年

書法

先是嘗作大像貯天堂矣天堂既火於是復
造前作大像不書此其書何為仁傑之諫書

也後書復作為李嶠之諫書也綱目嘉二子故書
罷後亦書之終綱目書作大像三丁末年魏主宏

是年周武氏二十一年再書

司空梁文惠公狄仁傑卒考異

此誤考證當去文惠二字分註謚文

惠○謹按狄仁傑仕偽周為內史曲盡忠誠迎中宗還宮授計五王反正唐室卒于周贈文昌右相睿宗贈司空玄宗追封梁公綱目書曰司空梁公狄仁傑卒凡綱目書武后時事各冠以周號雖如婁師德卒猶不免也獨仁傑不加周號者明其心在唐室不曰文昌右相而曰司空梁公明其忠於唐室褒之也褒之以示勸也綱目平易中有精深處故曰非朱子其誰能修之

仁傑在當時為諸臣第一武后亦以第一流目之人臣特惠不

太后信重仁傑羣臣莫及常謂之國老而不名仁傑好面引廷爭太后每屈意從之常從太后遊幸遇風中墜馬驚不止太后命太子追執其鞚而繫之屢以老疾乞骸骨不許每入見太后嘗止其拜曰每見公

能竭忠為國爾
若果盡誠無二
不以身家為念
雖當艱危之際
亦可深蒙主眷
况朝廷清明乎

拜朕亦身痛及薨太后泣曰朝堂空矣自是朝廷有
大事衆或不能決太后輒嘆曰天奪吾國老何太早
邪太后嘗問仁傑朕欲得一佳士用之誰可者仁傑
曰有張柬之者其人雖老宰相才也太後擢為洛州
司馬數日又問仁傑對曰前薦者可為宰相非司馬也乃遷
曰已遷矣對曰臣所薦者可為宰相非司馬也乃遷
秋官侍郎卒用為相仁傑又嘗薦夏官侍郎姚元崇
監察御史桓彥範大州刺史敬暉等數十人卒成反
正之功或謂仁傑曰天下桃李悉在公門矣仁傑曰
薦賢為國非為私也中宗復位贈司空睿宗時追封
梁國質實陽人大州莫詳沿革或謂敬暉前為衛州
刺史疑大當作衛未知是否明者察
之梁郡名注見宋順帝昇平三年

書法

仁傑自帝還東都以來拜官書周已屢矣無
嫌也其卒也復不書周何著仁傑之始終為

唐也是故大臣卒不書謚自裴行儉一書之於是再見大臣卒書本官惟仁傑官書中宗所贈爵書睿宗所封所以殊仁傑於諸臣也此綱目之特筆也一人而已矣唐臣卒具官爵姓謚者五人狄仁

傑宗璟李晟馬燧裴度具

號官爵謚者一人郭子儀

發明

婁師德之卒綱目以周納言書之雖具其官然固不免為周之臣也狄仁傑之卒書爵書

謚而不繫之周則仁傑雖事武氏固唐之臣耳夫武氏廢唐人神共憤仁傑蒙恥奮忠每以母子之說感悟武氏武氏亦信重其說而從之紓徐不迫卒復唐緒故綱目於此特筆起義以著仁傑始終為唐之意為天下後世不忘本朝者之勸也雖然仁傑不繫之周是矣胡為亦不繫之唐哉曰是時武氏雖僭位號然天下實唐之天下故不必繫之唐而已知其為唐此又綱目書法之意也或曰武

氏殺賢士大夫多矣奚獨於仁傑信重若此曰狄公一念在唐發於精誠惓惓懷其所以為武氏言者不出諸此故武氏亦以誠相感初非有奇謀異說行乎其間故曰誠者天之道也不誠無物至誠未有不動者不誠未有能動者其狄公之謂歟

冬十月周復以正月為歲首

發明

武氏自六年十一月始用周正改十一月為正月十二月為臘月正月為一月至是凡十

二年間前史皆從其說每歲十一月書於歲首以為正月繼書臘月一月然綱目止用夏正紀月初未嘗為之改易今此雖書周復以正月為歲首其實歲首固已自用正月不待是年而後復凡此皆斥絕武氏不予其改易唐家之正朔也然則曷為書周曰書周所以著其廢唐之罪明其自絕於唐

爾若紀年則用嗣聖而正朔止用唐舊此則綱目自立義例取法春秋之義不以其私自改作而遂從之者也故曰綱目之為綱目非君子莫能修之

○周以韋安石同平章事

時武三思張易之兄弟用事安石數面折之嘗侍宴禁中易之引蜀商數人在座同博安石跪奏曰商賈賤類不應得預此會顧左右逐出之座中皆失色太后以其言直勞勉之同列皆嘆服

質實

韋安

石杜陵人孝寬曾孫禁中注見宋孝武帝大明六年

十二月周開屠禁

鳳閣舍人崔融言割烹弋獵著之典禮苟順月令合禮經自然物遂其生矣遂開屠禁祠祭用牲牢如故

質實

崔融齊州全節人月令禮記篇名乃呂不韋所著言十二月政令所行用夏正令則雜舉三代

及秦事也

辛丑十八年

周武氏大足元年又改長安

春正月帝在東宮

是歲武邑人蘇安恒上疏太后曰陛下欽先聖之顧託受嗣子之推讓敬天順人二十年矣今太子春秋既壯陛下年德既尊何不禪位東宮使臨宸極亦何異陛下之身哉諸武皆得封王而陛下二十餘孫無尺寸之土此非長久之計也臣請黜諸武為公侯而分土以王諸孫擇立師傅教其孝敬之道以夾輔周室屏藩皇家疏奏太后所質實東宮注見宋文帝元嘉名見賜食慰諭而遣之質實二十七年一統志云武邑漢之縣名屬信都國東漢屬安平國晉置武邑郡於此北齊郡縣俱廢隋初復置縣以觀津縣省入屬

冀州唐宋金元俱仍舊
本朝因之改屬真定府

三月周流張錫於循州

平章事張錫坐知選漏洩禁中語賊滿數萬當斬臨
刑釋之流循州時蘇味道亦坐事俱下獄錫氣色自
若舍三品院帷屏食飲無異平居味道步至質實
繫所席地蔬食太后聞之赦味道而復其位質實
州
注見晉高祖
天福七年

雨雪

蘇味道以雪為瑞帥百官入賀殿中侍御史王求禮
止之曰三月雪為瑞雪臘月雷為瑞雷乎味道不從
既入求禮獨不賀進言曰今陽和布氣草木發榮而
寒雪為災豈得誣以為瑞賀者皆諂諛之士也太後

為之罷朝時又有獻三足牛者宰相復賀求禮颺言曰凡物反常皆為妖此鼎足非其人政教不行之象也太后為集覽颺言亟明其失也書益之愀然

書法

記異也終綱目書冬雪一漢元帝建昭二年書正月雪一宋辛丑年書二月雪一丙子年

新莽書三月雪四漢景帝中六年武帝元鼎三年元帝永光元年是年書四月雪二漢成帝建始四年陽朔四年自是無書雪者矣

夏六月周以李迥秀同平章事

迥秀母本微賤妻叱媵婢母聞之不悅迥秀即時出之或問何遽如是迥秀曰娶妻本以養親今乃違忤顏色安集覽媵婢媵以證反送敢留也女從嫁為媵婢

冬十一月周以崔玄暉為天官侍郎

天官侍郎崔玄暉性介直未嘗請謁執政惡之改文
昌左丞月餘太后謂玄暉曰聞卿改官令史設齋自
慶此欲盛為姦貪耳今還實實崔玄暉
卿舊任乃復拜天官侍郎博陵人

周以郭元振為涼州都督

先是涼州南北境不過四百餘里突厥吐蕃頻歲奄
至城下百姓苦之元振始於南境硤口置和戎城北
境磧中置白亭軍控其衝要拓州境千五百里自是
寇不復至城下元振又令甘州刺史李漢通開置屯
田盡水陸之利舊粟麥斛至數千及至是一縑糴數
十斛軍糧支數十年元振善撫御在州五年夷夏畏
慕令行禁止牛羊質實都司城東南六百四十二里
被野路不拾遺

本漢武威郡地唐築和戎城宋因之元為古浪城立
巡檢司屬永昌路本朝正統中改置古浪守禦千戶
所仍屬焉白亭軍白亭本海名在陝西涼州衛東北
境唐郭元振置軍於此故名白亭軍突厥北狄國名
注見梁武帝大同十一年甘州
注見晉安帝隆安元年張掖

壬寅

十九年

周武氏長安二年

春正月帝在東宮

是歲蘇安恒復上疏曰臣聞天下者神堯文武之天
下也陛下雖居正統實因唐氏舊基當今太子追迴
年德俱盛陛下貪其寶位而忘母子深恩將以何顏
見唐家之宗廟哉今天意人事還歸李家陛下雖安
天位殊不知物極則反器滿則傾臣何惜一質實神
朝之命而不安萬乘之國哉太后亦不之罪
文武唐高祖謚為神堯皇帝
帝太宗謚為文武皇帝

周設武舉。突厥寇鹽夏，遂寇并州。周遣薛季昶、張仁

愿禦之，質實。

鹽夏二州名。鹽，注見德宗貞元三年夏。注見漢武帝元朔元年朔方并州。注見齊明

帝建武三年，張仁愿下邽人。

○秋八月，周賜張昌宗爵鄴國公。

昌宗兄弟貴盛，勢傾朝野。太子相王太平公主質實上表請封昌宗為王，制不許，乃賜爵鄴國公。

鄴縣名，注見漢獻帝建安十五年。

書法

書譏私也。漢世初賜爵止左庶長，至宣帝以後賜爵皆侯矣。入唐以來，自贈武士護外，未

嘗書賜爵。唐書賜爵始此，而得昌宗封爵之輕甚矣哉。唐世書賜爵十五，昌宗李多祚等敬暉等牛

仙客、李林甫等、安祿山、李光弼等、僕固懷恩、郭子儀、李元忠等、韋臯、李愬、裴度、李德裕、楊行密、天寶

以前自李多祚敬暉外皆濫授也
至德以後自楊行密外其庶幾乎

九月朔日食不盡如鉤

書法

宋文丁卯年梁武己巳年唐開元十七年日食亦皆不盡如鉤矣不書此何以書為武氏

書也武氏以陰侵陽且極矣故次年而日食之既終綱目書日食不盡如鉤二是年玄宗天寶十三

年舍是無書者矣

○吐蕃遣使求和

宴吐蕃使者論彌薩於麟德殿時涼州都督唐休璟入朝亦預宴彌薩屢窺之太后問其故對曰洪源之戰此將軍猛厲無敵故欲識之休璟練習邊事自集碣石以西踰四鎮綿亘萬里山川要害皆能記之

覽

碣石此非北平郡驪城西南之碣石
按戰國策注碣石在常山郡九門縣

質實

麟德殿注見憲

宗元和十四年宣政殿碣石山名注見秦始皇三十二年吐蕃西羌屬名注見太宗貞觀八年四鎮注見

高宗調露元年要害
注見漢文帝十一年

書法

書求和始此終綱目書求和二是年玄宗開元九年請和四嗣聖十三年睿宗景雲二年

代宗永泰元年憲宗元和四年敵國不與焉

冬十月吐蕃寇茂州都督陳大慈與戰破之質實

茂州注見

漢武帝元鼎六年冉駹

○十一月周命監察御史蘇頲按雪冤獄

監察御史魏靖上疏以為陛下既知俊臣之姦處以極法乞詳覆俊臣等所推大獄伸其枉濫太后乃命

蘇頲按覆由是**集覽**雪冤雪除也洗**質實**陛下注見
雪冤者甚衆也洗雪而免罪**質實**漢光武建

武二十七年蘇頲
武功人瓌之子

十二月周以張嘉貞為監察御史

侍御史張循憲為河東採訪使有疑事不能決問侍
吏曰此有佳客可與議事者乎吏言前平鄉尉張嘉
貞有異才循憲召見詢之嘉貞為之條析理分莫不
洗然循憲因請為奏皆意所未及還太后善之循
憲具言嘉貞所為且請以已官授之太后曰朕寧無
一官自進賢邪因召嘉貞與語大悅即拜監察御史
擢循憲司勳郎**質實**河東道名注見漢獻帝建安七
中賞其得人也**質實**年張嘉貞蒲州虞鄉人平鄉縣
名注見漢靈
帝中平元年

癸卯 二十年 周武氏長安三年

春正月帝在東宮

突厥請以女妻太子之子許之乃遣武延秀還仍遣使來謝宴於宿羽臺太子預焉宮尹崔神慶上疏曰今五品以上所以佩龜者為別敕徵召恐有詐妄內出龜合然後應命況太子國本古來徵召皆用玉契此誠重慎之極也昨緣突厥使見太子應預朝參直有文符下宮曾不降敕處分臣愚謂太子非朔望朝參應別召者請降手質實崔神慶東武城人義玄次子敕及玉契太后然之

三月朔日食質實

日食注見新莽天鳳元年

○夏閏四月周改文昌

臺為中臺○六月寧州大水質實

寧州注見肅宗上元元年

○秋七

月周以唐休璟同三品

時突騎施酋長烏質勒與西突厥諸部相攻安西道
絕太后命休璟議其事行之後十餘日安西諸州請
兵應接程期一如休璟所畫太后曰恨用卿晚時西
突厥斛瑟羅用刑殘酷諸部不服烏質勒本隸斛瑟
羅能撫其衆諸部歸之斛瑟羅部衆離散因入朝不
敢復還徙其牙帳居之斛瑟羅部衆離散因入朝不
烏質勒悉集覽突騎施西夷種名本西突厥之別部
併其地元初和姓纂云突騎施本號西陵突厥
碎葉西域國名或曰質實酋長注見漢帝立更始二
突厥中有碎葉城質實年酋豪安西鎮名注見高
宗永淳元年牙帳注
見玄宗開元八年

九月朔日食既

胡氏曰呂后末年日食既后惡之曰此為我也未幾
而卒武后至是日食再既明年亦卒日者至陽之精

人君之表今乃為女主之應乎夫陽淑不競則陰慝
長理固然也今武氏反陰為陽居中履極奄唐虞之
舊域頌正朔於八荒其氣皴所質實日食既注見漢
感上致日星之變不亦宜乎惠帝七年八荒
謂八極之外荒昧之
地也詳見淮南子

書法

食既大變也往年九月不盡如鉤矣於是九
月又食之既武氏之陰沴已極極則反矣後
二年而武氏即世變不虛生信哉終綱目書
食既十有二未有無應者也詳漢惠帝七年

周貶魏元忠為高要尉流張說於嶺南

初元忠為洛州長史張易之奴暴亂都市元忠杖殺
之及為相太后欲以易之弟昌期為雍州長史問宰
相誰堪雍州者元忠以薛季昶對太后曰昌期何如
元忠曰昌期少年不開吏事曷在岐州戶口逃亡且

盡不如季昶太后默然而止元忠又嘗面奏臣承乏
宰相不能盡忠死節使小人在側臣之罪也太后不
悅由是諸張深怨之乃譖元忠嘗言太后老矣不若
挾太子為久長太后怒下元忠獄昌宗密引鳳閣舍
人張說賂以美官使證元忠說許之太后召說入鳳
閣舍人宋璟謂曰名義至重鬼神難欺不可黨邪陷
正若獲罪流竄其榮多矣若事有不測璟當叩閣力
爭與子同死努力為之萬代瞻仰在此舉也殿中侍
御史張廷珪曰朝聞道夕死可矣左史劉知幾曰無
汙青史為子孫累及入太后問之說未對昌宗從旁
迫趣說使速言說曰陛下視之在陛下前猶逼臣如
是況在外乎臣實不聞元忠有是言易之昌宗遽呼
曰張說與元忠同反太后問其狀對曰說嘗謂元忠
為伊周伊尹放太甲周公攝王位非欲反而何說曰
易之小人徒聞伊周之語安知伊周之道伊尹周公
為臣至忠古今慕仰陛下用宰相不使學伊周當使

學誰邪太后曰說反覆宜并繫治之他日更引問說對如前朱敬則抗疏理之曰元忠素稱忠正張說所坐無名若令抵罪失天下望蘇安恒亦上疏曰元忠下獄里巷怛怛皆以為陛下委信姦宄斥逐賢良忠臣烈士皆拊髀於私室方今賦役煩重百姓凋弊重以讒慝專恣刑賞失中竊恐人心不安別生他變竟貶元忠高要尉流說嶺表元忠入辭言曰臣老向嶺南十死一生但陛下他日必思臣言因指昌宗易之曰此二小兒終為亂階殿中侍御史王叡復奏申理元忠宋璟謂之曰魏公幸已得全今子復冒威怒得無狼狽乎叡曰魏公以忠獲罪叡為義所激顛沛無恨璟歎曰璟不能申魏公之枉深負朝廷矣太子僕崔貞慎等八人餞元忠於郊外易之詐為狀稱貞慎等與元忠謀反太后使監察御史馬懷素鞠之懷素曰昔藥布奏事彭越頭下漢祖不以為罪況元忠之刑未如彭越而陛下欲誅其送者乎太后意解太后

嘗命朝貴宴集易之兄弟皆位宋璟上易之素憚璟
欲悅其意虛位揖之曰公方今第一人何乃下坐璟
曰才劣位卑張卿以為第一何也天官侍郎鄭杲謂
璟曰中丞柰何卿五郎璟曰以官言之正當謂卿足
下非張卿家奴何郎之有舉坐悚惕時自武三思以
下皆謹事易之兄弟璟獨不為之禮諸張積怒嘗欲
中傷之太后知之故得免胡氏曰宋璟可謂賢矣為
張說謀而忠張說亦可謂賢矣聞宋璟言而受使事
君者相詔相聽皆如是朝廷豈有過舉哉說非守義
不回者特以蓬生麻中勢不得不直耳苟為不然說
他日事業可紀如是者甚少豈爵位既高不得
親忠良以自助邪君子所以貴乎三益之友也**集覽**
張說讀曰悅怙字本作怙與匈兇通漢高本紀天
下匈匈翟方進傳羣下兇兇孫奕示兒編曰按皆當
作上聲讀說文擾恐貌高要注見梁武帝太清
二年賈祖峻反中傷中陟仲反陰中害之也**質實**

雍州注見玄宗開元十一年京兆岐州注見周顯王八年張說洛陽人宗璟邢州南和人張廷珪河南人
劉知幾彭城人藏器之子青史夏璽曰史者紀事之籍謂之青者蓋古人以火災簡令汗出取青易書故其簡謂之青簡而史亦謂之青史伊周伊注見晉元帝太興元年周注見秦昭襄王五十二年王峻滄州景城人狼狽注見漢獻帝初平三年顛沛朱子曰顛沛傾覆流離之際馬懷素丹徒人藥布奏事彭越頭下事在漢高
帝十一年

周以裴懷古為桂州都督

始安獠反攻陷州縣朝廷思得良吏以鎮之朱敬則稱懷古有文武才以為桂州都督懷古飛書示以禍福獠即迎拜懷古輕騎赴之左右曰夷獠無信不可忽也懷古曰吾仗忠信可通神明而况人乎遂詣其

營賊衆大喜
嶺外悉定

質實

始安縣名注見晉成帝咸和四年
桂州注見秦始皇三十三年桂林

裴懷古壽
州壽春人

周遣使以六條察州縣○吐蕃贊普器弩悉弄死考異

提要死
誤作卒

吐蕃南境諸部皆叛器弩悉弄擊之卒於軍中諸
子爭立久之國人立其子棄隸踏贊生七年矣

甲辰二十一年周武氏長

春正月帝在東宮○周以阿史

那懷道為西突厥十姓可汗質實

突厥北狄國名注見
梁武帝大同十一年

可汗夷狄君長號注
見漢後主景耀四年

○周作興泰宮

武三思建議毀三陽宮以其材作興泰宮於萬安山
功費甚廣百姓苦之左拾遺盧藏用上疏以為左右
近臣多以順意為忠犯忤為戒致陛下不知百姓失
業陛下誠能以勞人為辭發制罷之則天下皆知陛
下咎已而愛質實三陽宮注見嗣聖十六年一統志
人也不從云興泰宮在河南府宜陽縣西萬
安山唐長安四年所建萬安山在河南府城東南四
十一里又名大石山北接登封縣盧藏用幽州范陽
人

周平章事朱敬則致仕

敬則為相以用人為
先自餘細務不之視

三月周以韋嗣立等為諸州刺史

太后嘗與宰相議及刺史縣令李嶠唐休璟等奏竊見朝廷物議遠近人情莫不重內官輕外職除授牧伯多是貶累之人風俗不澄實由於此望於臺閣寺監妙簡賢良分典大州共康庶績臣等請輟近侍率先具僚太后命書名探之得鳳閣侍郎韋嗣立御史大夫楊再思等二十人各以本官檢校刺史其後政迹可稱者唯常州薛謙集覽貶累累力偽反玷質實光徐州司馬鎰而已辱也鎰胡盲反

常州注見隋煬帝大業十二年毘陵

徐州注見秦始皇二十八年彭城

夏四月周復作大像

太后復稅天下僧尼作大像糜費巨億李嶠上疏曰造像錢見有一十七萬餘緡若將散施人與一千濟得一十七萬餘戶拯饑寒之弊省勞役之勤人神胥悅功德無窮監察御史張廷珪疏曰以時政論之則

宜先邊境蓄府庫養人力以釋教論之則宜救苦厄
減諸相崇無為願察臣之愚行佛之意太后為之罷
後召見
賞慰之

周以天官侍郎崔玄暉同平章事○周以姚元崇為春
官尚書

初以相王府長史姚元崇兼夏官尚書元崇上言臣
事相王不宜典兵馬臣不敢愛死恐不益於王乃改
春官尚書同三品如故元崇字元之時集覽叱列虜
突厥叱列元崇反太后命元崇以字行複姓

質實
姚崇陝州峽石人懿之子

秋七月周以楊再思為內史

再思為相專以諂媚取容司禮少卿張同休易之之
兄嘗因宴集戲再思曰楊內史面似高麗再思欣然
翦紙帖中反披紫袍為高麗舞舉坐大笑時人或譽
張昌宗之美曰六郎面似蓮花再思獨曰不然昌宗
問其故再思曰乃質實高麗東胡國名注見漢
蓮花似六郎耳
武帝元封二年朝鮮

周貶戴令言為長社令

司禮少卿張同休汴州刺史張昌期尚方少監張昌
儀皆坐贓下獄命左右臺共鞫之敕以易之昌宗作
威作福亦命同鞫御史大夫李承嘉中丞桓彥範奏
同休兄弟贓共四千餘緡昌宗法應免官昌宗訴有
功無罪太后問宰相昌宗有功乎楊再思曰昌宗合
神丹聖躬服之有驗此莫大之功太后悅赦之左補
闕戴令言作兩足狐賦質實汴州注見周顯王二十
以譏再思出為長社令
九年大梁長社縣名注

見漢光武
建武八年

周以韋安石為揚州長史唐休璟兼幽營都督

安石舉奏張易之等罪敕付安石及唐休璟鞠之未
竟而事變出安石揚州休璟幽營休璟將行密言於
太子曰二張恃寵不臣質實揚州注見漢武帝元朔
必將為亂殿下宜備之質實
幽注見高祖武德四年營注
見晉武帝太康二年昌黎

九月周以姚元之為靈武道安撫大使冬十月以秋官
侍郎張柬之同平章事

元之將行太后令舉外司堪為宰相者對曰張柬之
沈厚有謀能斷大事且其人已老惟陛下急用之太

后遂以東之同平章
事時年且八十矣
質實靈武郡名注見太宗
貞觀二十年靈州

書法

自革命以來凡封拜皆書周以恒辭也此其
不書周何東之心乎唐者也自東之相而帝

有復位之書矣綱目於其同平章事不書周所以
表其為唐也故終太后之世惟狄仁傑同平章事
不書周惟張柬之
同平章事不書周

周以岑義為天官員外郎

太后命宰相選郎吏韋嗣立薦義曰但恨其伯父長
倩為累太后曰苟或有才此何所累由是諸緣坐者
始得集覽長倩為累累力偽反事相緣及也長倩乃
進用集覽義之伯父先因諫立武承嗣為太子被誅
故云質實岑義鄧州棘陽
為累累人文本之孫

十二月周張昌宗下獄既而赦之

太后寢疾宰相不得見者累月惟易之昌宗侍側崔
玄暉奏曰太子相王足侍湯藥宮禁事重願不令異
姓出入易之昌宗亦恐禍及陰為之備屢有人為飛
書云易之兄弟謀反許州人楊元嗣告昌宗嘗召術
士李弘泰占相弘泰言昌宗有天子相太后命平章
事韋承慶及司刑卿崔神慶御史中丞宋璟鞠之神
慶奏言昌宗款稱弘泰語已奏聞準法首原璟奏昌
宗儻以弘泰為妖妄何不執送有司雖云奏聞終是
包藏禍心法當處斬太后不許璟退左拾遺李邕進
曰宋璟志安社稷非為身謀願陛下可其奏亦不聽
尋敕環安撫隴蜀璟不肯行奏曰故事中丞非軍國
大事不當出使今隴蜀無變臣不敢奉制司刑少卿
桓彥範上疏曰昌宗無功荷寵而包藏禍心所以奏
者擬事發則云先已奏陳不發則俟時為逆此乃奸

臣詭計若云可捨誰為可刑請考竟其罪疏奏不報
崔玄暉亦屢以為言太后令法司議罪玄暉弟司刑
少卿昇處以大辟宋璟復奏昌宗為飛書所逼不得
已而自首且謀反大逆無容首免太后溫言解之璟
聲色愈厲曰臣知言出禍從然義激於心雖死不恨
太后不悅楊再思遽宣敕令出璟曰聖主在此不煩
宰相擅宣敕命太后乃可其奏遣昌宗詣臺璟庭立
而按之事未畢太后特敕赦之璟歎曰不先擊小子
腦裂負此恨矣太后使昌宗詣璟謝璟拒不見胡氏
曰太后不以內嬖之私屈外庭之議肯自抑斷以伸
正直之氣其與漢文聽申屠嘉因鄧通何以異哉使
其生為男子而臨天下其雄才大畧殆與孝武等矣

集覽

飛書如語無姓名上書者漢書

質實

許州注見

武八年長社李邕江夏人善之子韋承慶鄭州人思
謙之子隴蜀謂隴西蜀郡注見漢光武建武五年大

辟刑名注見漢宣帝地節三年大辟之計漢文聽申屠嘉困鄧通事在漢文帝後二年

書法

周勃書下其獄既而赦之釋無罪之辭也昌宗書其下獄既而赦之釋有罪之辭也終綱

目下獄書既而赦之
二詳漢文帝四年

周以陽嶠為右臺侍御史

桓彥範袁恕已共薦陽嶠為御史楊再思曰嶠不樂搏擊之任如何彥範曰為官擇人豈必待其所欲所不欲者尤須與之所以長難進之風

集覽

搏擊之任御史之職

出討奸猾如鷹鷂質實

袁恕已滄州東光人

乙巳神龍元年春正月張柬之等舉兵討武氏之亂張易

之昌宗伏誅帝復位大赦

太后疾甚易之昌宗居中用事張柬之崔玄暉與中臺右丞敬暉司刑少卿桓彥範相王司馬袁恕已謀誅之柬之謂羽林大將軍李多祚曰將軍富貴誰所致也多祚泣曰大帝也柬之曰今大帝之子為二豎所危將軍軍不思報大帝之德乎多祚曰苟利國家惟相公處分不敢顧身遂與定謀初柬之與荆府長史楊元琰相代同泛江至中流語及太后革命事元琰慨然有匡復之志及柬之為相引元琰為右羽林將軍謂曰君頗記江中之言乎今日非輕授也柬之又用彥範暉及右散騎侍郎李湛皆為羽林將軍委以禁兵易之等疑懼乃更以其黨武攸宜參之易之等乃安俄而姚元之自靈武至都柬之彥範相謂曰事濟矣遂以其謀告之彥範以事白其母母曰忠孝不兩全先國後家可也時太子於北門起居彥範暉謁

見密陳其策太子許之東之玄暉彥範乃與左威衛將軍薛思行等帥羽林兵五百餘人至玄武門遣多祚湛及內直郎王同皎詣東宮迎太子斬關而入斬易之昌宗於廡下進至太后所寢長生殿太后驚起問曰亂者誰邪多祚等對曰易之昌宗謀反臣等奉太子令誅之恐有漏洩故不敢以聞稱兵宮禁罪當萬死太后見太子曰小子既誅可還東宮彥範進曰昔天皇以愛子託陛下今年齒已長久在東宮天意人心久思李氏願陛下傳位太子以順天人之望太后謂崔玄暉曰卿朕所自擢亦在此邪對曰此乃所以報陛下之大德於是收張昌期等皆斬之與易之昌宗梟首天津南收其黨韋承慶房融崔神慶繫獄以太后制命太子監國以袁恕已為鳳閣侍郎同平章事遣使宣諭諸州明日太后傳位於太子中宗復位大赦惟易之黨不原其為周興等所枉者咸令清雪子女配沒者皆免之相王旦加號安國相王太平

公主加號鎮國太平公主皇族皆復屬籍叙
官爵其為太后所殺者訪求其柩改葬之
集覽北

起居唐分宰相為南司故稱南牙官寺為北司故稱
北門天津南天津在龍門山之西北天津南謂在天

津橋羽林衛名注見漢安帝延光四年楊元琰
南號州閭鄉人長生殿注見玄宗天寶六載

華清宮天津橋名注見隋煬帝大業十三年東宮注
見宋文帝元嘉二十七年相州名注見漢元帝建昭

二年
魏郡

遷太后於上陽宮上尊號曰則天大聖皇帝

胡氏曰武氏之禍古所未有也張柬之等第知反正
廢主而不能以大義處非常之變為唐室討罪人也
武后以太宗才人蠱惑嗣帝一罪也戕殺主母二罪
也黜中宗而奪之三罪也殺君之子三人四罪也自

立為帝五罪也廢唐宗廟六罪也誅鋤宗室七罪也穢德彰聞八罪也尊用酷吏毒痛四海九罪也兵既入宮當先奉太子復位即以武氏至唐太廟數其九罪廢為庶人賜之死而滅其宗中宗不得而與焉然後足以慰在天之靈雪臣民之憤而天地之常經立矣昔者文姜預弑魯桓哀姜預弑二君聖人例以孫書若其去而不返以深絕之所以著恩輕而義重也武氏負九大罪自絕於唐東之等乃膠守常故不能討治使得從容傳位又受顯冊竊尊稱以是見為大臣斷大事而無學不能善始善終決矣或曰使狄公而在當有以異乎此邪曰狄公亦如是而已矣觀其說武氏之言固不肯以血食紿之於先而以罪討之於後也或曰文姜哀姜與聞乎弑武氏未嘗弑也比而同之不亦過乎曰弑君立君宗廟猶未亡也罪已當絕况移其宗廟改其國姓是滅之矣豈不重於弑君者邪夫惟如是而不能討故不旋踵而韋氏肆行

無所忌憚意可

集覽

毒病四海書泰誓文蔡氏傳曰

海之人言禍所及遠也文姜預弑魯桓文姜魯桓公

夫人桓十八年公及文姜如齊齊侯通之而使公子

彭生拉公幹而殺之哀姜預弑二君哀姜魯莊公夫

人也莊三十二年公疾問後於叔牙對曰慶父材問

於季友對曰臣以死奉般後莊公薨子般即位慶父

使人弑之魯人立閔公後年慶父恨不得立又使人

弑閔公閔公哀姜之娣叔姜之子也慶父通於哀姜

閔公之死也哀姜與知之何休曰為淫二叔殺二嗣

子聖人例以孫書例謂春秋凡例也莊元年經曰夫

人孫于齊注夫人莊公母也魯人責之故出奔內諱

奔謂之孫猶孫讓而去孫亦作遜公羊傳曰孫者何

孫猶孫也注孫遁也穀梁傳曰孫之為言猶孫也諱

奔也注孫孫遁而去閔二年經曰夫人姜氏孫于邾

注哀姜外淫故孫稱姜公羊傳作夫人姜氏孫于邾

婁若其去而不返以深絕之文姜哀姜與聞弑君之後史筆畧不及之視二人如往而不歸者是所以深絕之

正誤

人文姜哀姜今按文姜孫齊之後春秋書夫

師又會于防又會于穀又如齊又再如莒又書夫人姜氏薨葬我小君文姜凡十見哀姜孫邾之後書夫人姜氏薨于夷齊人以歸書夫人姜氏之喪至自齊書葬我小君哀姜凡三見集覽謂與弑之後史筆畧不及之非也然哀姜與弑二君去而不返春秋書夫人姜氏孫于邾宜也文姜與弑桓公之後即歸于魯亦書夫人孫于齊一例皆以孫書何也其罪實已極雖即歸魯若其去而不返以深絕之也

宮注見高宗

乾封二年

書法

武氏自臨朝稱太后既革命則削稱武氏絕之於唐廟也上書討武氏之亂綱目固已正

名其罪矣此其復書太后何罪唐朝之君臣也太
后絕唐宗廟罪莫大焉中宗知有母而不知有祖
大臣知守常而不知斷義從其恒稱所以深譏之
也而復號曰皇帝焉又甚矣故綱目雖書號曰則
天大聖皇帝而其崩其葬則從其恒稱然則書遷
太后何太后得罪宗廟固不得以自遷為文也綱
目書遷太后六其辭有二秦太后漢靈竇太后魏
郭太后齊宣德太后皆逆辭也漢閹太后唐武太
后皆罪
辭也

發明綱目自七年改國號周之後不書太后止書
武氏明其得罪於唐宗廟故黜而絕之廢為
庶人是以止書姓氏爾今此上書張柬之等討武
氏之亂而下書遷太后號曰則天大聖皇帝夫所
謂太后者即武氏也既討其亂又尊其號可乎綱
目於此深恨唐室諸臣不能舉正其罪而黜之故

備載胡氏之言於下以明武氏當廢之罪爾況皇帝者有天下稱焉可加之於已廢之婦人乎直筆書之其義見矣可勝嘆哉可勝惜哉○丘濬曰嗚呼皇帝者天子之嘉稱非婦人女子所得稱也彼其逆理亂常自為稱謂勢必行而威可畏臣下懼死而不敢拒猶之可也今既立皇帝矣而遷於別宮顧猶尊之以大聖皇帝何邪其罪不特在武氏矣先儒胡寅追咎當時大臣不能數其九大罪而廢之以為千古遺恨嗚呼武氏之罪誅之固不容誅矣何廢之足云但中宗其所生也以義論之母雖輕於祖以恩論之子終無絕母之理也當時大臣遷之別宮復其后號誅絕其宗族黨與凡在武氏臨朝之時助武氏抑唐宗者一切按問之量其輕重以定其罪狀或誅或竄以為後世之戒可也一時具臣不知出此反仍其舊稱而加以美號豈不悖哉

以張柬之袁恕已同三品崔玄暉為內史敬暉桓彥範
為納言李多祚等進官賜爵有差質實

納言官名注見漢靈帝光和元

年

○二月復國號曰唐

郊廟社稷陵寢百官旗幟服色文字皆如永淳以前
故事復以神都為東都北都為并州老君為玄元皇
帝范氏曰昔季氏出其君魯無君者八年春秋每歲
必書公之所在不與季氏之專國也自司馬遷作呂
后本紀後世為史者因之故唐史亦列武后于本紀
其於記事之體則實矣春秋之法則未用也或曰武
后母也中宗子也母雖不慈子不可以不孝中宗欲
以天下與韋玄貞不得為無罪武后實有天下不得
不列于本紀不沒其實所以著其惡也臣以為不然
中宗之有天下受之於高宗也其曰以天下與韋玄

貞乃一時拒諫之忿辭非實欲行之也若以為罪則漢哀帝之欲禪位董賢其臣亦可廢立也春秋吳楚之君不稱王所以存周室也天下者唐之天下也武氏豈得而間之故匡復繫嗣聖之年黜武氏之號以為母后禍亂之戒竊取春秋之義雖獲罪於君子而不辭也

集覽

禪位董賢漢哀帝置酒麒麟殿

視董賢笑曰吾欲法堯禪舜何如

質實

社稷注見新莽天鳳五年

書法

此書復國號曰唐世史書草去周號何武氏所以據尊位臨萬方以臣其人民者豈盡出

其智力哉因唐之勢耳彼其草去唐號而稱曰周特見於稱呼施之文移焉耳人心天意之在唐者固未嘗有渝也武氏一旦去位則唐之社稷固自如也又何俟於復哉草去周號唐斯在矣

流貶周宰相韋承慶房融崔神慶於嶺南質實

嶺南道名

注見秦始皇三十三年五嶺
○以楊再思同三品○姚元之為亳州

刺史

太后之遷上陽宮也同三品姚元之獨嗚咽流涕桓
彥範張柬之謂曰今日宣公涕泣時邪元之曰前日
從公誅姦逆人臣之義也今日別舊君亦人臣實實
之義也雖獲罪實所甘心遂出為亳州刺史

亳州注見漢獻
帝建安十五年

復立韋氏為皇后贈后父玄貞上洛王

左拾遺賈虛已上疏曰異姓不王古今通制今中興
之始萬姓仰觀而先王后族非所以廣德美於天下
也且先朝贈后父太原王殷鑒不遠須防其漸不聽
上之遷房陵也與后同幽閉備嘗艱危情愛甚篤每

聞敕使至輒皇恐欲自殺后止之曰禍福無常何遽如是嘗與后私誓曰異時幸復見天日當惟卿所欲不相禁禦至是上每臨朝則后必施帷帳坐於殿上預聞朝政如武后在高宗之世矣桓彥範上表曰書稱牝雞之晨惟家之索自古帝王未有與婦人共政而不破國亡身者也願令皇后專居中宮治陰教勿出外朝干國政先是胡僧慧範與張易之兄弟善韋后亦重之至是復出入宮掖彥範表言慧範執左道以亂政請誅

集覽

殷鑒不遠詩蕩篇文注見隋煬帝大業三年執左道以亂政記王制

文注左道若質實

上洛郡名注見晉元帝太興元年太原郡名注見齊明帝建武三年

并州房陵縣名注見漢獻帝建安二十四年北雞之晨惟家之索注見隋文帝仁壽四年

書法

前書立韋氏為皇后矣中宗被廢則韋氏為廬陵王妃可知也然中宗雖書廢而綱目每

歲皆以帝書不予武氏之廢之云耳帝既復位則
后正位中宮亦不言可知也其必以復立書何著
唐再禍之始也帝既復位唐復為唐韋后復立唐
必再禍特書復立若曰唐室之禍復自此始矣復
之故重書之凡事有不必書復而書復者綱目皆
有深意焉韋氏未嘗書廢而書復立為皇后以為
不可立者也崔旰未嘗書譴而書復使還鎮以為
不可使還者也代宗大歷三年皆惜之之辭也然
則武士驥再書贈矣不書后父玄貞則何以書書
后父見中宗之汲汲於韋氏猶前日也武氏立為
后十七年而後追王其父韋氏復立首贈后父以
王綱目聯書之中宗反正以來之初政可知矣

癸卯

春秋襄十四年書衛侯出奔二十五年書衛
侯入于夷儀當其失國之時皆書其爵至二

十六年書衛侯衍復歸于衛迨其復國之後反書
其名蓋衛侯在外十有二年而德弗加進一旦得

國失信無刑猶夫人也是以春秋深貶而名之爾
夫人之有德慧術知者常存乎疾疾今中宗橫罹
廢酷二十餘年困心衡慮多於衛侯淹恤之日反
位未幾故態復作果何為哉況其嗣位之初止以
韋玄貞之故貽禍擯黜今縱念不到此亦獨不思
母氏亂唐不過出於女禍則夫懲創前失尤當裁
抑女寵於動心忍性之餘胡可反聽牝雞之晨復
蹈亂亡之轍者哉昔太甲顛覆厥度伊尹放之於
桐三年自怨自艾處仁遷義卒能復辟為賢德之
君中宗幽廢不為不久而其狂愚之惡曾弗之改
故綱目於韋氏之立既書曰復而於上洛王之贈
則特揭后父書之所以著其困而弗草雖得復國
猶非其國也嗚呼觀綱目所書中宗初政若此真
所謂下愚不移之性者矣廢於母弑於妻又誰咎
哉

以武三思為司空

二張之誅也洛州長史薛季昶謂張柬之敬暉曰二凶雖除產祿猶在去草不去根終當復生二人曰大事已定彼猶机上肉耳夫何能為季昶歎曰吾不知死所矣朝邑尉劉幽求亦謂柬之等曰三思尚存公輩終無葬地若不早圖噬臍無及不從上女安樂公主適三思子崇訓上官儀女婉兒者沒入掖庭辯慧能文明習吏事太后愛之及上即位使掌制命並委任之拜為婕妤三思通焉故婉兒黨於武氏又薦三思於韋后上遂與三思圖議政事數微服幸其第柬之等皆受制於三思矣上使后與三思雙陸而自為點籌三思遂與后通由是武氏之勢復振柬之等數勸上誅諸武曰革命之際宗室誅夷畧盡今陛下反正武氏濫官僭爵按堵如故豈遠近可望邪不聽柬之等或撫床歎憤或彈指出血曰主上昔為英王時

稱勇烈吾所以不誅諸武者欲使上自誅之以張天子之威耳今反如此事勢已去知復柰何上遂以三思為司空

集覽

產祿猶在喻武三思尚未除去也漢高后時呂產呂祿皆以外戚居中用

事後並伏誅噬臍無及左傳若不早質實朝邑縣名圖後君噬臍注齧臍腹喻不可及也

質實

注見隋煬

帝大業十三年劉幽求冀州武強人安樂縣名注見漢高后六年狄道掖庭獄名注見漢武帝後元元年婕妤婦官名注同上太始三年雙陸博具注見梁武帝太清三年按堵注見代宗大曆八年

發明

武氏亂唐亘古無有五王不能誅除禍根誠為失策然中宗獨不念幽囚之辱乎既登九

五掃除元惡惟恐弗及夫何復位未幾乃反信而用之是亦無人心矣故綱目書以武三思為司空專罪中宗而未暇責及五王者端本澄源之論首惡必有所歸也

貶譙王重福為均州刺史

重福上之庶子也韋后惡之貶質實均州刺史常令州司防守之
當

以武攸暨為司徒祝欽明同三品質實

祝欽明京兆人

○三月

流酷吏於嶺南死者追貶之所破家皆復資蔭○以袁

恕已為中書令○徵武攸緒為太子賓客

以安車徵武攸緒既至為太子賓客固請還山許之
胡氏曰武攸緒之志不縉於其族卓矣他人避武后
之亂思中宗之復事草則奮然而出攸緒見其質實
未也應召而來遺榮而去當是之時一人而已質實

安車注見漢武帝建元元年

夏四月以鄭普思為秘書監葉靜能為國子祭酒

術士鄭普思尚衣奉御葉靜能皆以妖妄為上所信
墨敕以普思為秘書監靜能為國子祭酒桓彥範崔
玄暉固執不可曰陛下初復大位下制政令皆依貞
觀故事貞觀中魏徵為秘書監孔穎達為國子祭酒
豈普思靜能之比乎拾遺李邕上疏曰若有神僊能
令人不死則秦始皇漢武帝得之矣佛能為人福利
則梁武帝得之矣堯舜所以為帝王首者亦
修人事而已尊寵此屬何補於國上皆不聽

書法

監學清流長官要職而以方士居之直書而貶義自見矣

以魏元忠韋安石李懷遠唐休璟崔玄暉並同三品張

東之為中書令質實

李懷遠邢州柏仁人

○五月遷周廟主於西

京仍避其諱

書法

仍者何不
宜仍者也

發明

武氏廢唐宗廟中宗僅能復之今乃復崇武氏果何謂哉故綱目既書遷周廟主又書仍

避其諱
以惡之

○賜敬暉等五人王爵罷其政事

敬暉等帥百官上表曰天授革命之際宗室誅竄殆盡今天命惟新而諸武封建如舊開闢以來未有斯理願陛下為社稷計順遐邇心降其王爵以安內外上不許暉等畏武三思之說以考功員外郎崔湜為

耳目湜見上親三思而忌暉等乃悉以暉等謀告三思三思引為中書舍人先是殿中侍御史鄭愔諂事二張坐貶亡入東都謁三思初見哭甚哀既而大笑三思恠之愔曰愔始哀大王將戮死而滅族後乃喜大王之得愔也大王雖得天子之意然彼五人皆據將相之權膽畧過人廢太后如反掌日夜切齒欲噬大王之肉此愔所以為大王寒心也三思大懼與之登樓問自安之策引為中書舍人與崔湜皆為三思謀主三思與韋后日夜譖暉等云恃功專權將不利於社稷不若封以王爵罷其政事外不失尊寵功臣內實奪之權上以為然封敬暉為平陽王桓彥範為扶陽王張柬之為漢陽王袁恕已為南陽王崔玄暉為博陵王皆罷政事三思令百官修復太后之政不附武氏者斥之為五王所逐者復之大權盡歸三思矣胡氏曰崔湜小人無足罪者獨五王不知人可恨耳上則不知中宗次則不知三思其為崔湜所反也

固宜夫三思之惡布在天下何用更伺其動靜是時
建義諸人分柄文武若合謀同志再匡王室討除三
思猶未為晚也若中宗與韋后必欲復武氏之政則
斷以大義推奉睿宗以主社稷雖為法受惡豈不賢
於三思所直醢乎惜哉五王之集覽湜丞職反質實
忠而智不及此其受禍也宜哉湜情揖淫反

崔湜定州人仁師之孫東都注見秦莊襄王元年三
川平陽縣名注見周威烈王二十三年一統志云扶
陽縣名隋初所置於扶水之北故名屬庸州唐屬費
州宋廢之故址在思南府城西北八十五里漢陽縣
名注見高祖武德五年南陽縣名注見周赧王十
七年宛博陵縣名注見周威烈王二十三年中山

書法

特筆也霍氏之將誅書罷其屯兵五王之將
禍書罷其政事皆特筆也綱目於此凜凜矣

以岑義為秘書少監畢構為潤州刺史

初五王之請削武氏諸王也求人為表衆莫肯為中書舍人岑義為之語甚激切中書舍人畢構次當讀辭色明厲三思既得志義改質實畢構偃師人卓之秘書少監出構為潤州刺史質實三世孫潤州注見晉成帝咸和三年京口

以宋璟為黃門侍郎

上嘉宋璟忠直累遷黃門侍郎武三思嘗以事屬璟璟正色拒之曰今太后既復子明辟王當以侯就第何得尚預朝政獨質實復子明辟注見漢不見產祿之事乎孺子嬰初始元年

以楊元琰為衛尉卿

先是元琰知三思浸用事請棄官為僧上不許敬暉聞而笑之元琰曰功成名遂不退將危此乃由衷之

請非徒然也及暉集覽由衷之請言此請出於衷心
等得罪元琰獨免集覽之誠然也衷與中通左傳隱
三年君子曰信不由中質無益也

皇后表請改易制度從之

上官婕妤勸韋后罷武后故事表請令士庶喪出母
三年百姓二十三為丁五十九免役改易制度以收
時望詔集覽喪出母三年出母謂為父所出者禮為
皆從之集覽出母期父卒為父後者不服耳記檀弓
曰子上之母死而不喪又曰孔氏之不喪出母自子
思始也注云記禮所由廢非之又喪服小記曰為父
後者為出母無服注云不敢以已私廢父所傳重
之祭祀也高宗時武后請父在為母服齊衰三年

書法

此天后表十二事之故步也而皆從之父子
一轍矣綱目前書行之高宗上元元年此書

從之是年
深譏之也

發明昏庸之君雖身罹禍敗亦弗知戒如中宗之寵韋庶人是已况望其遠鑒前世乎書皇后

表請改易制度
從之惡可知矣

降河內王武懿宗爵為公質實

河內縣名注見周赧王五十三年野王

○

以唐休璟豆盧欽望為左右僕射

以唐休璟豆盧欽望為左右僕射休璟仍同三品欽望有軍國重事中書門下可共平章先是僕射為正宰相其後多兼中書門下之職午前決朝政午後決省事至是欽望專為僕射不敢預政事故有是命是後專拜僕射者質實豆盧欽望不復為宰相矣

雍州人

以韋安石為中書令魏元忠為侍中○洛水溢質實洛

注見漢高
后三年

流二千
餘家

秋七月以韋巨源同三品○以漢陽王張柬之為襄州

刺史

柬之表請歸襄州養疾制質實襄州注見漢獻
以柬之為刺史不知州事帝建安十二年

河南北十七州大水制求直言

右衛參軍宋務光上疏曰水陰類臣妾之象恐後庭
有干外朝之政者宜杜絕其萌太子國本宜早擇賢

能而立之。又外戚太盛，如武三思等，宜解其機。要鄭普思棄靜能，以小技竊大位，亦朝政之蠹也。疏奏，不

省質實。

宋務光西河人

九月改葬上洛王韋玄貞

其儀如太原王故事。尋進封鄴王。

質實

太原王故事。高宗贈武士彠為太原王。事在咸淳元年。鄴

縣名。注見漢武帝建元元年。

書法

楊震書。改葬嘉禮賢也。此其書何譏私也。復位一月而追贈。越八月而改葬。中宗於后父

亦孝。孝甚矣。終綱目臣書改葬二詳漢安帝延光四年。宋路太后唐息隱王不與焉。

韋巨源罷。以魏元忠為中書令。楊再思為侍中。○冬十

一月羣臣上皇帝皇后尊號

羣臣上皇帝尊號曰應天皇帝皇后曰順天皇后上與后謁謝太廟赦天下相王太平公主加實封皆滿萬戶

書法

帝后並書何譏也失尊無二上之義矣綱目以羣臣上冠之罪羣臣也

上御樓觀潑寒胡戲考異

上當作帝

清源尉呂元泰上疏曰謀時寒若何必裸身揮水鼓舞衢路以索之哉疏奏不納

集覽

潑寒胡戲

即乞寒胡戲注見陳宣帝太建十一年

質實

清源縣名注見周報王二十七年梗陽

書法

凡書觀譏也觀戲甚矣終綱目書觀十詳漢後主建興十四年而中宗六年三書焉是年

景龍三年四年
帝亦早自縱矣

發明
此觀中宗失德初無足道然亂亡之蹟不容盡泯
也

皇太后武氏崩

太后崩於上陽宮年八十二遺制去帝號赦王蕭二
族及諸遂良韓瑗柳奭親屬上居諒陰以中書令魏
元忠攝冢宰三日元忠素負忠直之望中外賴之武
三思矯太后遺制慰諭元忠賜實封百戶元忠捧制
感咽涕泗見者曰事去矣胡氏曰元忠慷慨論事屢
濱危殆無所屈折是以利為輕以義為重矣實封百
戶於宰相何如焉而至於懷感悲涕何也蓋至是義
氣不勝有貪志焉卒為三思所陷容容循默坐視五

王夷滅政事紊亂不敢一言而卒亦不免孔子曰
振也愆焉得剛元忠之謂矣○將以太后合葬乾

陵給事中嚴善思上疏曰神明之道體尚幽玄今
欲啟之恐致驚黷況合葬非古宜於陵旁更擇吉

地不集覽容容循默容容謂不擇善否皆兩容之
從也循默謂因循守職靜默不語也又容

容多厚福注見漢質實諒陰注見漢昭帝元平元
順帝永建元年年冢宰官名注見陳宣帝

太建九年六卿韓瑗京兆三原人仲良之子上
陽宮注見高宗乾封二年乾陵注見嗣聖元年

發明丘濬曰武氏自稱皇帝中宗復位又尊之
以為則天大聖皇帝其崩也以其所尊者

書之可也而綱目乃以皇太后武氏書之蓋不
予其為皇帝也是何也女不可以統男皇帝本

非婦人女子之所得而稱者也書之曰太后武
氏崩則凡其生時所自稱及人所以尊之者皆

非所宜也。如是書之不啻足矣。今史綱直斥其姓名而且以死書。何嗚呼。武氏起自閭閻。使其不入宮闈。一匹婦耳。所以生得為后。死得書崩。徒以其作配高宗。以承唐家之宗祀焉耳。今武氏為人妻。則淫蕩為人妾。則妬害為人母。則殘虐為人婦。則廢人之宗祀。滅人之國祚。殺人之族屬。凡其一生所以孤人之子。寡人之妻。絕人之宗祀。不知其凡幾百千萬矣。其於李氏固已義絕。葬不可以列李氏之園陵。祭不可以入李氏之宗廟。由是觀之。乃天地間一不仁不義之婦人耳。死全首領。固已為幸。而又稱之以為后。書之以為崩。何以誅絕其既往而示戒於將來哉。必若直斥其名。而且以死書之。為愈。

戶部奏是歲天下戶口之數

戶六百一十五萬口三千七百一十四萬有奇

書法

書戶口之數始此終綱目書戶口數七是年
玄宗開元十四年二十八年天寶十三年代

宗廣德二年文宗開成四年武宗會昌
五年兵民數一德宗建中元年皆唐也

丙午二年春正月以李嶠同三品于惟謙同平章事○制

太平安樂公主各開府置官屬

安樂公主恃寵賣官鬻獄勢傾朝野或自為制敕掩
其文令上署之上笑而從之竟不視也自請為皇太
女上雖不從質實安樂縣名注見漢
亦不譴責高后六年狄道

書法

書開府置官屬多矣未有以公主書者
公主而有此制中宗之狗也直書譏之

發明

武氏雖曰亂唐然大權在已政出于一故能控制四海踰二十年今中宗以陽德居尊胡

為反縱女謁甚至下令特令公主開府置官屬書之于冊不惟遠愧乃祖亦且近愧乃母矣

以平陽王敬暉扶陽王桓彥範南陽王素恕已為諸州

刺史

武三思惡暉等居京師出之暉滑州質實京師注見

彥範洛州恕已豫州尋復左遷遠郡

周顯王二

十五年滑州注見隋恭帝皇泰二年

豫州注見漢光武建武十九年汝南

二月以韋巨源同三品

詔與皇后
敘宗族

制僧慧範道士史崇恩等並加五品階

書法

自武氏始書僧拜官於是再見僧道五品是襲武氏之跡也再亂宜矣終綱目書僧有官

三懷義慧範不空書道士有官三崇恩劉玄靜杜光庭本教官稱不與焉

發明

夫所謂僧道士者果何物哉就其本法言之清虛寂滅者也而乃加以品秩不惟王法之

所不容是亦彼法之所惡者書之于冊豈不深可為笑而適足以為戒哉

置十道巡察使考異

提要置上當有圈子

選內外五品以上官二十人為十道巡察使委之察吏撫人薦賢直獄二年一代考其功罪而進退之姜師度馬懷素源乾曜質實姜師度魏州魏縣人源乾盧懷慎李傑皆預焉

州人李傑相
州滄陽人

韋安石罷以蘇瓌為侍中唐休璟致仕○三月殺駙馬
都尉王同皎

初宋之問及弟之遜皆坐附會張易之貶嶺南逃歸
東都匿於友人王同皎家同皎疾武三思及韋后所
為每與所親言之輒切齒之遜密告三思三思使人
告同皎與武當丞周憬等謀殺三思廢皇后皆坐斬
之問之遜並除京官憬亡入比干廟大言曰比干古
之忠臣知吾此心三思與皇后淫亂傾危國家行當
梟首都市恨不質實宋之問西河人武當縣名注見
及見耳遂自剄晉元帝建武元年比干廟注見
漢昭帝元鳳元年梟首
注見漢靈帝建寧元年

大置員外官

置員外官自京師及諸州凡二千餘人宦官趙遷七品以上員外官者又將千人魏元忠自端州還為相不復彊諫惟與時俯仰中外失望酸棗尉素楚客以書責之曰主上新服厥命惟新厥德當進君子退小人以興大化豈可安其榮寵循默而已今不早建太子擇師傅而輔之一失也公主開府置僚屬二失也宗長緇衣借勢納賂三失也俳優小人竊盜品秩四失也有司選賢皆以貨取勢求五失也寵進宦者殆滿千人六失也王公貴戚賞賜無度競為侈靡七失也廣置員外官傷財害民八失也先朝宮女出入無禁交通請謁九失也左道之人熒惑主聽竊盜祿位十失也凡此十失君侯不正誰正之哉元忠得書愧謝而已胡氏曰中宗鼎鑊豈若武后之烈三思凶焰豈若周來之甚元忠不懼武后而畏三思是何也血

氣既哀戒之在得故也葷食豆羹不得則死然蹴而與之乞人不屑者血氣尚勝故也萬鍾之祿與不得則死者相去遠矣然有不辨理義而受之者血氣衰故也知所以戒則志常為主血氣不能盛衰之矣

集覽

周來之甚武后時周興實實
來俊臣皆酷吏之尤者
端州注見梁武帝
太清二年魏元忠

宋州宋城人酸棗縣名注見周慎靚
王四年左道注見漢成帝永始二年

書法

嘗書置員外同正官矣未書大也於是始書
大書大何譏濫也中外合三千餘人其濫莫

甚於
此矣

發明

前書公主置官屬此書大置
員外官亂政若此不亡得乎

夏四月李懷遠致仕○殺處士韋月將以尹思貞為青

州刺史宋璟為貝州刺史

處士韋月將上書告武三思潛通宮掖必為逆亂上大怒命斬之黃門侍郎宋璟奏曰人言中宮私於三思陛下不問而誅之臣恐天下必有竊議固請按之上不許璟曰必欲斬月將請先斬臣不然臣終不敢奉詔上怒少解御史大夫蘇珣大理卿尹思貞皆以為方夏行戮有違時令上乃命杖而流之嶺南過秋分一日平曉廣州都督周仁軌斬之御史大夫李承嘉附武三思詆尹思貞於朝思貞曰公附會姦臣將圖不軌先除忠臣邪承嘉怒劾奏思貞出為青州刺史武三思惡宋璟出之檢校貝州刺史范氏曰自古殺諫臣未有不亡國者中宗愚闇足以取亡而高祖太宗德澤未遠人心天命未厭唐也故禍及其身而已質實處士注見周赧王元年蘇珣藍田人廣州注矣秦始皇三十三年南海不軌注見漢靈帝

光和五年青州注見漢桓帝永康元年貝州注見漢安帝建光二年

書法

隱士書殺韋祖思見之矣晉恭帝元熙元年於是再見殺至處士而中宗之為君可知矣

月將以諫見殺曷為不以諫者書是年若曰韋氏宮掖之慙德雖山林之人皆知之矣而帝不之悟書處士所以病中宗也然月將退處山林而與聞宮掖之事亦出位甚矣書交病之

發明

廬陵不道無足論者然綱目上書殺處士韋月將下書以尹思貞宋璟為刺史又以著二

人因諫見貶爾彼其淫刑濫殺既戮言者又逐諫臣未幾身弑統絕其為後王鑒豈不深切著明也哉

五月葬則天皇后於乾陵質實

乾陵高宗之墓注見嗣聖元年

書法

后葬不地合葬也於乾陵常矣其書何罪大

臣也武氏得罪宗廟溝而絕之可矣乃合葬

馬特書於乾陵所以譏大臣之不能斷也是故唐

后之葬惟則天書乾陵不宜合而合也惟興慶書

景陵之側宜合而不合也宣宗大中三年綱目之

意微矣終綱目后葬書地七詳漢宣帝本始三年

○六月貶敬暉桓彥範張柬之袁恕已崔玄暉為遠州

司馬

武三思使鄭愔告敬暉等與王同皎通謀貶暉崖州

彥範瀧州東之新州恕已賓州玄暉白州司馬員外

長任削集覽崖州在海外外漢珠崖郡也唐改崖州今

其勲封集覽吉陽軍是瀧州瀧音雙今廣東德慶府

瀧水縣是新州秦南海郡也梁武置新州屬廣東賓

州漢合浦地唐置賓州尋改高州白州今鬱林州博

白縣是質實

崖州注見漢武帝元鼎六年珠崖一統志云瀧州本漢端溪縣地晉分置龍鄉

縣尋改為平原縣置平原郡梁兼置瀧州隋初郡廢改為平原曰瀧水縣大業初改州為永熙郡唐初復置初州罷以瀧水縣屬康州元屬德慶路本朝初改隸肇慶府新州注見梁武帝大同七年竇州本秦南海郡地漢屬蒼梧郡隋屬永熙郡唐置信義縣為南扶州治貞觀初州罷以縣隸瀧州尋於縣置竇州宋以特亮譚義懷德三縣併入信義改為信宜縣熙寧中竇州廢以縣屬高州元仍舊本朝因之改屬高州府白州注見高祖武德五年

加周仁軌鎮國大將軍

初韋玄貞流欽州而卒蠻酋竇承基逼取其女玄貞妻崔氏不與承基殺之及其四男至是廣州都督周

仁軌討承基斬之故有是
命及韋氏敗仁軌亦誅
質實 欽州注見隋文
帝開皇十七年

秋七月立衛王重俊為皇太子

太子性明果而官屬率貴遊子弟所
為多不法左庶子姚珽屢諫不聽
質實 姚珽陝州
峽石人衛

州名注見秦王
政六年朝歌

以李嶠為中書令

初李嶠為吏部侍郎欲樹私恩再求入相奏大置員
外官廣引貴勢親識既而為相銓衡失序府庫減耗
乃更表言濫官之弊且
請遜位上慰諭不許
質實 銓衡注見晉哀
帝興寧二年

敬暉桓彥範張柬之袁恕已崔玄暉為武三思所殺

武三思陰令人疏皇后穢行榜於天津橋請加廢黜
上大怒命李承嘉窮覈其事承嘉奏言敬暉等所為
請族誅之上可其奏大理丞李朝隱奏稱暉等未經
推鞫不可遽就誅夷乃長流暉於瓊州彥範於瀛州
東之於瀧州恕已於環州玄暉於古州崔湜說三思
遣使矯制殺之三思問誰可者湜以大理正周利用
先為五王所惡貶官乃薦之三思使攝侍御史奉使
嶺外比至東之玄暉已死遇彥範於貴州令左右縛
之曳於竹槎之上肉盡至骨然後杖殺得暉尸而殺
之恕已素服黃金利用逼之使飲野葛汁盡數升不
死不勝毒憤掬地爪甲殆盡仍捶殺之利用還擢拜
御史中丞三思既殺五王勢傾人主常言我不知代
間何者謂之善人何者謂之惡人但於我善者則為
善人於我惡者則為惡人耳時宗楚客宗晉卿紀處
訥甘元東皆為三思羽翼周利用冉祖雍李俊集覽
宋之遜姚紹之皆為三思耳目時人謂之五狗

瓊州在海外唐以崖州之瓊山置瓊州瀼州瀼音曩
廣南化外唐置瀼州環州廣南化外唐開生獠置環

州古州廣南溪洞有古州八萬洞屬思
州培地以手把土也代間代猶言世
質實天津橋注見隋

煬帝大業十三年李朝隱三原人瓊州注見漢武帝
元鼎六年珠崖環州注見本年鳴沙及原會古州莫

詳沿革唯黎平府城西六十里有古州八萬洞軍民
長官司乃元初所置本朝改為古州蠻夷長官司仍

屬焉未知是否姑錄之以備參考貴州注見梁武帝
大同十一年定州宗楚客蒲州人宋之遜西河人

書法

不書三思殺書為所殺何咎暉等也惡本不
除昧於遠引以自取禍書曰為所殺咎在我

也終綱目書為所殺十詳漢昭烈帝
章武元年張飛五王皆譏不在人也

發明

入綱目以來淫刑濫殺固亦多矣未有書某
人為某人所殺者今五王之死所書乃爾何

哉武氏亂唐人神共怒敬暉等并謀協智不遺餘力僅能反正復辟方是之時儻能深明大義數武氏滅唐社稷之罪廢而絕之然後取其黨與族類必殺無赦盡磔而尸諸市聲其大惡布告中外庶幾上答祖宗在天之靈下釋四海臣民之憤若弗暇也夫何謀之不臧僅能誅二張等輩而禍本亂根反置不問遂使餘燼復張迄至受制賊手駢首屠戮不啻如机上肉故綱目於此不書武三思殺敬暉等而書暉等為三思所殺變文起義若曰三思非能殺暉等暉等自為三思所殺耳書法如此所以痛恨諸人不知大義失於處斷以至此極是以深為歎惜之也然則三思獨無貶乎曰傾覆社稷之黨迷國亂朝之賊濁穢宮闈之徒其惡猶待貶絕而後見乎

冬十月車駕還西京○十一月以竇從一為雍州刺史

從一舊名懷貞避皇后父諱更名從一太平公主與僧寺爭碾磴雍州司戶李元紘判歸僧寺從一懼命改判元紘大署判後曰南山集覽碾磴碾女箭反磴可移此判無動從一不能奪五對反皆磨屬所以礪穀出米者

流鄭普思於儋州

鄭普思聚黨於雍岐二州謀作亂事覺西京留守蘇瓌收繫窮治之上抑瓌而右普思侍御史范獻忠進曰請斬蘇瓌上曰何故對曰瓌為留守大臣不能先斬普思然後奏聞使之熒惑聖聽其罪大矣且普思反狀明白而陛下曲為申理王者不死殆謂是乎魏元忠曰蘇瓌長者用刑不枉普思法當死上不得已流普思於儋州質實雍岐二州注見玄宗開元十餘黨皆伏誅一年京兆岐注見周顯王八年

儋州注見漢武帝
元鼎六年儋耳

十二月突厥默啜寇鳴沙

默啜寇鳴沙靈武總管沙吒忠義與戰軍敗死者六
千餘人突厥進寇原會等州掠隴右牧馬萬餘匹而
去詔訪羣臣計策右補闕盧備上疏曰卻縠說禮樂
敦詩書為晉元帥杜預射不穿札建平吳之勲是知
中權制謀不取一夫之勇如沙吒忠義驍將之材本
不足以當大任又鳴沙之役主將先逃宜正邦憲賞
罰既明敵無不服又邊州刺史宜精擇其人使之蒐
卒乘積資糧來則禦之去則備之去歲四方旱災未
易興師當理內以及外綏近以來遠俟倉**集覽**默啜
廩實士卒練然後大舉以討之上善之突厥
君長名鳴沙故靈州縣咸亨初以為安樂州治小說
靈州有沙踐之有聲故曰鳴沙五代晉高居誨使于

闕記自靈州過黃河行三十里始涉沙沙行五百里至涼州西五百里至甘州州西始涉磧西北五百里至肅州西出天門關又西出玉門關西至瓜州州南千里鳴沙山冬夏殷殷有聲如雷云禹貢流沙也沙吒虜複姓吒知加反卻穀春秋晉文公之元帥也射不穿札言射無力也射穿七札注見高宗儀鳳三年蒐卒乘練習士卒車乘也

左傳成十六年蒐乘補卒

質實

一統志云鳴沙古鎮名此地人馬行沙有

聲故名後周移置會州於此尋廢隋初置環州及鳴沙縣大業初州罷唐貞觀中復置環州尋廢以縣屬靈州神龍初為默啜所據咸通中收復仍於鳴沙縣置安樂州以處吐谷渾部落後沒于吐蕃大中間收復改置威州徙治方渠以鳴沙為屬縣元初於此立鳴沙州今廢故城在寧夏衛城東南一百五十里靈武郡名注見太宗貞觀二十年原會等州原州注見漢光武建武六年高平會州本秦漢時北地郡地後

魏為鎮屬靈州後周置會州隋初改曰環州大業初
州罷以其地屬靈武郡唐初復置會州貞觀初更置
環州咸亨中改置安樂州大中間改置威州五代初
廢晉復置威州治方渠縣周復改曰環州置通遠軍
宋環州治通遠縣金因之元以通遠縣省入州屬鞏
昌路本朝改為環縣屬慶陽府卻穀說禮樂敦詩書
為晉元帥卻穀行唐人晉文公蒐於被廬作三軍謀
元帥趙衰曰卻穀可公曰何以知其可也衰曰卻穀
說禮樂而敦詩書必知御兵之道公乃使穀將中軍
使卻溱佐之杜預射不穿札建平吳之勲杜預杜陵
人畿之孫博學時號杜武庫武帝時為河南尹荆
州都督羊祜舉預自代拜為征南將軍決策平吳以
功封為當陽侯嘗作
春秋左傳集解傳世

御批資治通鑑綱目卷四十二上

謹案第十九頁前六行大州莫詳沿革按大州敬
暉傳作太州地理志華州華陰郡垂拱二年避
武氏諱曰太州神龍元年復故名暉刺華時正
為太州也又傳明言暉為衛州刺史遷夏官侍
郎出為太州刺史此謂大當作衛者誤

第二十四頁後二行注見秦始皇三十二年按前
注言在平州者非此碣石也集覽近是此誤

第二十七頁後六行太子僕崔貞慎等按馬懷素

傳作太僕崔貞慎與此異

第三十頁後七行陝州峽石人刊本峽訛陝據姚
崇傳改

第五十五頁前三行古州莫詳沿革按地理志嶺
南道古州樂興郡貞觀十二年置此失考

第五十七頁前三行晉文公之元帥也刊本元作
謀據左傳改



總校官庶吉士臣張能照

校對官檢討臣王鍾健

謄錄監生臣沈心醇